

**Hronologija ključnih koraka u pregovaračkom procesu između  
Vlade Kantona Sarajevo i  
Samostalnog sindikata osnovnog obrazovanja i odgoja FBiH – Kantonalni odbor SSOOiO KS**

"Vlada Kantona Sarajevo 27.07.2023. godine prihvatila je inicijativu Samostalnog sindikata osnovnog obrazovanja i odgoja Federacije BiH – Kantonalni odbor SSOOiO Kantona Sarajevo, broj: 1167/23 od 05.06.2023. godine (u daljem tekstu: Sindikat) za pokretanje postupka pregovaranja i zaključivanja Kolektivnog ugovora o izmjeni Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Vlada KS je 25.08.2023. godine imenovala Pregovarački tim, koji će u ime Vlade pregovarati o prijedlogu Kolektivnog ugovora o izmjeni Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Dana 07.08.2023. godine, u Ministarstvu je zaprimljen akt Sindikata u čijem prilogu su dostavljeni zvanični prijedlog Kolektivnog ugovora, prijedlog Protokola za pregovaranje i Odluka o imenovanju Pregovaračkog tima Sindikata.

Vlada KS je donijela Odluku o prihvatanju prijedloga Protokola o vođenju pregovora sa Samostalnim 07.09.2023. godine. Ovom odlukom dato je ovlaštenje ministrici za odgoj i obrazovanje Kantona Sarajevo, predsjednici Pregovaračkog tima Vlade Kantona Sarajevo, da potpiše isti.

Dana 27.09.2023. godina održan je prvi sastanak Pregovaračkih timova na kojem su predsjednici oba tima potpisali Protokol o pregovorima za zaključivanjem Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Imajući u vidu da je članom 10. ovog protokola definisano da pregovori traju najkasnije do 31.10.2023. godine, a da su do navedenog datuma održana tri sastanka Pregovaračkih timova, te da su članovi oba tima dogovorili produženje roka pregovaranja za još mjesec dana, s ciljem nastavka procedure pregovaranja i shodno dobrom socijalnom dijalogu, potpisan je novi Protokol o pregovorima za zaključivanje Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo. Utvrđen je novi rok važenja Protokola o vođenju pregovora i to 30.11.2023. godine.

Nakon što su predsjednici Pregovaračkih timova potpisali navedeni Protokol, održan je i četvrti sastanak.

Nadalje, obzirom da je u međuvremenu došlo do imenovanja novog saziva Vlade, Vlada Kantona Sarajevo morala je pristupiti izmjeni sastava pregovaračkog tima Vlade.

Rješenje o izmjenama rješenja o imenovanju pregovaračkog tima Vlade dostavljeno je Sindikatu 30.11.2023. godine. Pomenuto Rješenje sa prijedlogom novog Protokola o vođenju pregovora (s obzirom da je važeći protokol predviđao trajanje do 30.11.2023.) dostavljeno je predsjedniku Pregovaračkog tima Sindikata s ciljem usaglašavanja teksta Protokola prije dostavljanja materijala Vladi Kantona Sarajevo na razmatranje i odlučivanje. Prijedlog o vođenju protokola dostavljen je i elektronskim putem dana 28.11.2023. godine na koje nije zaprimljeno nikakvo izjašnjenje.

Sindikat je odgovorio aktom, broj: 2194/23 od 01.12.2023. godine, u kojem su navedene sljedeće primjedbe na dostavljeni prijedlog Protokola o vođenju pregovora:

1.,,Član 4. (Način vođenja pregovora) treba da glasi:

Tokom trajanja pregovora, Pregovarački timovi pregovaraju isključivo o onome što je definisano u članu 3. ovog Protokola strogo vodeći računa da procentualna povećanja koeficijenta u prvom i drugom platnom razredu mogu biti maksimalno dvostruko veća od povećanja u 4., 5., 6. i 7. platnom razredu i strogo vodeći računa da se povećanjem koeficijenta u 18., 19., 20. i 21. platnom razredu osigura da radnici od 01.01.2024. godine imaju minimalno iste plate u odnosu na isplaćene u mjesecu oktobru 2023. godine.“

2. „U članu 9. stav 1. Prijedloga Protokola neophodno je riječi: „u pravilu, jedanput sedmično“ zamijeniti riječima: „svakog drugog radnog dana“.“

Nakon razmatranja dostavljenih primjedbi Sindikat je 01.12.2023. godine obaviješten o davanju saglasnosti na primjedbu navedenu pod tačkom 2. pomenutog akta, a koja se tiče dinamike održavanja sastanaka Pregovaračkih timova.

U vezi sa primjedbom navedenom pod tačkom 1. pomenutog akta, Sindikat je obaviješten da se ne može dati saglasnost na istu. Naime, u članu 3. prijedloga Protokola, koji je ranije dostavljen Sindikatu, navodi se da je predmet pregovaranja član 51. stav (3) važećeg Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo, shodno čemu bi se, o gore pomenutoj primjedbi, trebalo pregovarati na sastancima pregovaračkih timova.

U skladu sa navedenim, u prilogu je na mišljenje dostavljen prijedlog Protokola o pregovorima za zaključivanje Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo u koji je ugrađena primjedba u vezi sa dinamikom održavanja sastanaka Pregovaračkih timova.

Sindikat je na navedeno odgovorio 01.12.2023. godine, u kojem se navodi da nakon analiziranja dostavljenog prijedloga Protokola, imaju potrebu ponovo iskazati konkretnu primjedbu na član 4. prijedloga Protokola, kako slijedi:

„1. Član 4. (Način vođenja pregovora) treba da glasi:

Tokom trajanja pregovora, Pregovarački timovi pregovaraju isključivo o onome što je definisano u članu 3. ovog Protokola strogo vodeći računa da procentualna povećanja koeficijenta u prvom i drugom platnom razredu mogu biti maksimalno dvostruko veća od povećanja u 4., 5., 6. i 7. platnom razredu i strogo vodeći računa da se povećanjem koeficijenta u 18., 19., 20. i 21. platnom razredu osigura da radnici od 01.01.2024. godine imaju minimalno iste plate u odnosu na isplaćene u mjesecu oktobru 2023. godine.“

S tim u vezi, Sindikatu je 04.12.2023. godine dostavljen akt sa informacijom da su dana 04.12.2023. godine održane konsultacije sa članovima Vlade Kantona Sarajevo u vezi sa tekstom prijedloga Protokola imajući u vidu da bi isti trebao biti prethodno usaglašen prije dostavljanja Vladi Kantona Sarajevo materijala na razmatranje s ciljem donošenja odluke kojom se tekst Protokola prihvata i daje ovlaštenje ministrici Naida Hota-Muminović, predsjednici Pregovaračkog tima Vlade Kantona Sarajevo, da potpiše isti.

Na konsultacijama je zauzet stav da je Protokol proceduralni akt i da ne može regulisati in meritum odredbe Kolektivnog ugovora. Prijedlog Kolektivnog ugovora utvrđuje se institucionalno putem pregovora koje vode pregovarački timovi.

Nadalje, Sindikatu je ukazano da je aktom od 01.12.2023. godine, data saglasnost na raniju primjedbu na tekst prijedloga Protokola, u vezi sa dinamikom održavanja sastanaka Pregovaračkih timova

(umjesto održavanja sastanaka u pravilu jednom sedmično, u prijedlogu Protokola će stajati odredba da se sastanci održavaju svakog drugog radnog dana), te da su na pomenutim konsultacijama članovi Vlade dali saglasnost na ovu primjedbu, čime je iskazana opredijeljenost ka nastavku procedure pregovaranja i zaključivanja Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Također, aktom je skrenuta pažnja da postoji niz proceduralnih koraka koje bi trebalo poduzeti kako bi Kolektivni ugovor o izmjenama Kolektivnog ugovora djelatnosti predškolskog odgoja i osnovnog odgoja i obrazovanja u Kantonu Sarajevo eventualno počeo se primjenjivati od 01.12.2023. godine, a kako slijedi:

- donošenje odluke Vlade Kantona Sarajevo o prihvatanju teksta Protokola o pregovorima za zaključivanje Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo i davanju ovlaštenja ministrici Naida Hota-Muminović, predsjednici Pregovaračkog tima Vlade Kantona Sarajevo, da potpiše isti;
- potpisivanje Protokola i vođenje pregovora (sastanci Pregovaračkih timova);
- utvrđivanje prijedloga teksta Kolektivnog ugovora i potpisivanje zapisnika o usaglašenosti istog;
- pribavljanje mišljenja Ministarstva finansija Kantona Sarajevo o prijedlogu Kolektivnog ugovora;
- dostavljanje materijala Vladi Kantona Sarajevo na razmatranje s ciljem donošenja odluke kojom se prihvata tekst Kolektivnog ugovora i daje ovlaštenje premijeru Kantona Sarajevo za potpisivanje istog;
- potpisivanje Kolektivnog ugovora i objava u „Službenim novinama Kantona Sarajevo“.

Imajući u vidu sve naprijed navedeno, u prilogu je ponovo dostavljen prijedlog Protokola o pregovorima za zaključivanje Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Na navedeno, Sindikat je odgovorio 04.12.2023. godine navodeći da ne vide smetnje da se uvaži konkretna primjedba člana 4. prijedloga Protokola, pozivajući se na pomenuti stav da je Protokol proceduralni akt, kako slijedi:

„1. Član 4. (Način vođenja pregovora) treba da glasi:

Tokom trajanja pregovora, Pregovarački timovi pregovaraju isključivo o onome što je definisano u članu 3. ovog Protokola strogo vodeći računa da procentualna povećanja koeficijenata u prvom i drugom platnom razredu mogu biti maksimalno dvostruko veća od povećanja u 4., 5., 6. i 7. platnom razredu i strogo vodeći računa da se povećanjem koeficijenata u 18., 19., 20. i 21. platnom razredu osigura da radnici od 01.01.2024. godine imaju minimalno iste plate u odnosu na isplaćene u mjesecu oktobru 2023. godine.“

U skladu sa propisanom procedurom, Ministarstvo za odgoj i obrazovanje Kantona Sarajevo, je pripremio materijal sa prijedlogom Protokola sa ugrađenom i drugom primjedbom Sindikata, a u vezi njihovog dopisa od 04.12.2023. godine, te dostavilo Vladi Kantona Sarajevo na razmatranje i odlučivanje.

S obzirom da Protokol o vođenju pregovora ne može regulisati in meritum odredbe Kolektivnog ugovora, Vlada Kantona Sarajevo je na sjednici održanoj 07.12.2023. godine odbila dati saglasnost na prijedlog Protokola u koji je prilikom pripreme materijala ugrađena i druga primjedba Sindikata od 04.12.2023. godine.